

Enformaziuns y Comunicaziuns

Carsëma: Dertan la Carsëma, tomp sterch dal ann liturgich, orunse envié les families da coltivé ciamó deplü la oraziun. Te dlijia vëgnel le dèdölönesc y le vëndres perié Les Staziuns, i atri dis el Mëssa. Mâ la jöbia n'el degüna funziun te dlijia; soradöt te cösc dé ves enviunse da se tó plü tomp por la oraziun a ciasa, co è sambën bënödüda vigne dé.

Uniun dles Ères: La Uniun tin sontada en lönesc ai 23 de forà ales 20:00 te calogna.


Schira Jonila Al Plan: I lasciun alessëi che dô la picia palsa che i àn fat, s'encuntunse endô en sabeda ai 28 de forà dales 9:00 ales 10:30 te local dla scora mesana (tla pert defora basete). I jarun ennant vigne secunda sabeda, cina ai 23 de mà. Al s'aspetta en bel program plën de devertimont y aorela cörta. I enviun da tó pert endô düc i mituns y les mitans dala 2a ala 5a tlassa. I se conforun da s'odëi!

Encuntada: Vëdui, vëdoes y porsones sores dla diozeja s'encunta en domëgna ai 8 de merz dales 9:30 a Porsenù tla Academia Cusanus: al sarà Mëssa con Josef Stricker, spo referat de siur degan Bernhard Holzer. Prenotaziuns cina ai 4 de merz pa Tresele al 0474/501397. Iade debann, la marëna costa 16,00€. Le bus pëia ia a Longega ales 7:50.

Pelegrinaje: Les Patrones dal Comun da San Martin enviëia düc i enterescês al pelegrinaje a Spinges, ai 6 de merz. Le bus pëia ia da San Martin demez ales 8:40, sot dlijia. Enformaziuns y prenotaziuns pa Loise al 0474/590026 o pa Lucia al 338/9918326. Da se prenoté el cina ai 1. de merz. Le iade è davert a düc.

Sorvisc ai Jogn: Al vën chirì jones y jogn co ài ligrëza da laoré con mitans y mituns, por fà animadus/dësses pal Isté Deboriada 2015. I jogn mëss avëi arjunt la majera eté. Por enformaziuns cherdé sò le 0474/523070 (lön - jöb dales 8-12 y 13-17) o info@jogn.org. Le termo da dé jö les domandes è ai 27 de forà.

Condolianzes



Gejù à dit: „Chi co crëi te mè, vir inçe sce ai mör!“

La comunité tol comié da **Erich Ties de Cassl** mort con 76 agn y ti fej ai familiars les condolianzes plü sontides! Che al pàlsi tla pësc de Dio.

Impressum: Ploania d'Al Plan, str. Catarina Lanz nr. 46, 39030 Al Plan de Mareo.

Comunicaziuns - cina al dèdemesaledema sèra - da mené a: Pablo Palfrader

Tel. 333 4762010 Mail: ploaniaalplan@gmail.com

Download plata: www.comun.mareo.bz.it o inçe www.valbadiaonline.it



Ploania
d'Al Plan
de Mareo

La plata de
Ploania

E-Mail: ploaniaalplan@gmail.com - Radio de Ploania: 93,00 MhZ
Telefönn y fax de calogna 0474/501006



福若瑟
VAL BADIA

1. Domëgna de Carsëma, ann B, ai 22.02.15 - nr. 13



Convertisse y cherdéde al Vagnele!

Dal Vagnele do San Merch, 1, 12 - 15

Te chël tomp ¹²a le Spirit condüt Gejù tal desert. ¹³Danlò è Gejù romagnü caranta dis alalungia y è gnü mené en tontaziun dal malan. Al viea pai tiers salvari, y i agni le sorvia. ¹⁴Dò ch'an â sciüré Jan te porjun, è Gejù endô jü tla Galilea; al encündà le vagnele de Dio ¹⁵y dijea: Le tomp è compli, le règn de Dio è damprò. Convertisse, y cherdede al Vagnele! **Parora dal Signur. - Lalt a té, Gejù Crist!**

Reflesciun söle Vagnele

I meditun

- Inçe Gejù vën motü ala proa. Tal desert madorësc sôa dezijiun da sorvi mâ Chël Bel Dio y da roé cina ala fin te sôa misciun.

- Dò la oraziun y la penitonz, mët man l'aventöra de Gejù: pordiché le Vagnele. Le pröm gran sforz co ti vën damané ala porsona è: se converti.

„Das Evangelium sagt auch etwas zu uns: Kehrt um, das heißt, wandelt euch, denkt nicht zu klein und geht über eure bisherigen Grenzen hinaus, traut euch und dem Leben und Gott Größeres zu. Glaubt endlich, dass Gott wirklich das gute, gerechte und erfüllte Leben für euch und für alle Menschen will.“ (Christine Rod MC)

I periun ensciö

Dai, i ne sun nia bun da crëie! Caranta dis tal desert, zonga mangé y zonga bëre, danter i tiers salvari y prigorusc. Y T'es sté bun da nen gnì fora sann entun! Aste mo albü tëma Gejù? Cis de net, canche les temperatöres jea zoruch, al gnea frëit y döt ea scür y fosch. T'es önn da coraje, Gejù! Porchël che Chël Bel Dio T'à daidé, y T'à mené sü agni a te sorvi. Da na proa tan grana este gnü fora plën d'entusiasm y arjigné da mëter man la misciun particolare che le Pere t'à sorandé: pordiché le Vagnele. Fà che cösta Carsëma, co à pormó motü man, sii por me y por düc nos na ocasiun preziosa por fà en pü' de desert, por crësce tla fede en Te, y gnì plü da coraje tla testimonianza de Töa Parora. (Parola Amica, Vangelo per ragazzi)

Domëgna: 22.02: I. Domëgna de Carsëma: de Andreas Hofer

Oferta por i bojügn dla Ploania



8.30: Gran mëssa a La Pli

9.30: Funziun dla domëgna: oraziun dla Carsëma

10.00: S.M. pro popolo por la Ploania

Recòrt dai Tomës te vera

18.00: S.M. de reng. por Fam. Winkler Albin y Gabriella
S.M. por Fam. Polo - Mossettig
S.M. por vîs y +nc' dla Fam. Taibon Borroni, Lè dla Crëda
S.M. por +nc' dla Fam. Obojes da Majun - Val

Lön. 23.02:

Ed. de Quatember – 1. edema de carsëma

N.B.:

7.20: S.M. por +nta Albina Palfrader Basso

S.M. por +nt Rindler Guido de Pal

S.M. por +nc' de Pal y de Brüsicia

S.M. por +nt Iarone Rubatscher

Dédol. 24.02: Festa de S.Matia apostul, Sa.Ida, Sa.Irmengard

18.00: Via Crucis – Les Staziuns

Dédem.25.02 Feria dla 1. ed. de carsëma: Sa.Walburga

18.00: S.M. por +nta Clara Tamers Oberbacher de Burcia
S.M. por +nta Veneranda Piazza Rindler
S.M. por +nt Lejio Complojer Runcac'
S.M. por +nc' Luigi y Olimpia

Jöbia 26.02: Feria dla 1. ed. de carsëma: S.Ulrich, Sa.Metilde

Oraziun tles families: oraziun de carsëma

Vëndr.27.02.: 2. Vëndres de Carsëma: S.Augustin, S.Markwar

7.10: S.M. por i scolari

S.M. por +nt Sergio Miano Pens.Genziana

S.M. por +nc' de na Familia

S.M. por +nt Isidor Castlunger da Grones

S.M. ad int. dla Fam. Pisching da Sarjei

18.00: Via Crucis – Les Staziuns

Sab. 28.02.: S.Maria de carsëma: S.Roman, Sa.Silvana

17.00: Poscibilità da se pissié

18.00: S.M. por +nt Franz y +nc' da Garsun
S.M. por vîs y +nc' dles Fam. de Corcela
S.M. por +nc' Kaneider Tone y Rita, Andram
S.M. por +nt Costa Siegfried da Presti

19.30: S.M. a La Pli

Domëgna 01.03: II. Domëgna de Carsëma: Cattedra S.Petri

Oferta por i bojügn dla Ploania

8.30: Gran Mëssa a La Pli

9.30: Funziun dla domëgna: tomp de Carsema


10.00: S.M. pro popolo por la Ploania

18.00: S.M. por +nt Paul Obojes de Gorghe
S.M. aniv. por +nta Maria Teresa Rungger dal Hintner
S.M. por +nt Nagascian Seropè
S.M. por +nc' Gaetano y Maria Monti



**Domenica 22 Febbraio 2015
I Domenica del Tempo di Quaresima**

**Marco
1, 12-15**



Sorvisc dai Ministroné

Lönesc 23/02 (07:20h), Dédemesaledema 25/02 (18:00h), Vëndres 27/02 (07:10h): Mike y Susan Kaneider;

Staziuns: Dédolönesc 24/02 (18:00h), Vëndres 27/02 (18:00h): Esther Comploi, Alice Daverda, Anna Trebo, Sara Doria;

Sabeda 28/02 (18:00h): Manuel y Jan Ties, Marco Vavrek, Max y Moriz Pire Trebo, Moriz Videsott;

Domëgna 01/03 (10:00h): Daniel, Luca y Simon Comploi, Elisa Coppola, Sara Doria, Julia Erlacher;

Domëgna 01/03 (18:00h): Linda, Max, Luianta y Moltina Clara, Esther Comploi, Alice Daverda;

